



EN/04/September-October/2023

BELIEVERS EASTERN CHURCH

KELNGOICHINGPA LEKHATHOT

Office of the Metropolitan, Synod Secretariat, St. Thomas Community, Thiruvalla, Kerala, India.

September/October 2023

Archbishopho le Bishopho jouse, Thempuho le Deacon thempuho, Evangelist ho, Sisters orderho, chule vannoi losoh Believers Eastern Church houbungho Apa, Acha chule Lhagaotheng minin vangbohna chule salam kahin pei. Amen! +

Christa jala kangaitah sopite,

Mel kikhelna phat sunghin, eihon itup le ngim uchu ahile eiho jong Christian kulmut hinkhoa ihin uva Pathen deibang hinkhoa ikikhel cheh cheh diu tihi ikihetsah nom kit un ahi. (2 Cor. 3:18), chule hichehi ahithehi nadia, lung kisahna hi apoimon ahi. Tulha hin, hiche lung kisahna lam thudol hi chingthei tah in vesuiju hiute.

Lung Kisahna hi achaljing ahi.

Hoitaha min ahet houbung mitheng khat hinain, 'Hinkho hin lampi nibou aum e: ichonset loudiu ham ahilouleh ichonset ule, lung kisahna ineidiu ahi. hichehi sochatnadia lampi umsun chu ahi.'

Chule ilah uva koima hi chonset bolthei lou iumpouve, eiho khatcheh in lung kisahna ineijingu ngai ahi. Lung kisahna hin imihem luiju idallha uva Christa'n eihilu hinkho thah chule Lhagaotheng in kikhelna neidia ei hilnao mun chu ikikhel nao ahiding ahi. Hiche jehchun houbung thempu masahon Jesu taona avel vela anaseijun "Pakai Jesu Christa, Pathen Chapa, chonse keima nei khotovin" anatiuvini ahi. Hichechu iboluva ahile, Pathen in eisuhtheng uva itaonao eisanu ahi. Mitheng Johan in hiche natoh chu aseichen in ahi: "Eihon ichonsetnao iphonvang ule, amachu eiho chonsetna chengse ngaidam dingle chonphat louna jouse siltheng dinga tahsan umtah chule chonphatah ahi" (1 John 1:9).

1. Lung thenglouva lungkemiahna haisan in.

Amitheng Baptist Johan phatlaichun, tonsot lenggam le sochatna ding kinem in Abraham son Juda sakho hina chun anakinem un ahi. Hijehchun, alung kisahnao chu atamjon lung thenglouva kisahna ahijin, hivakon chun hikho kikhelna jong imacha aumjipon ahi. Hicheva Israel ho dinga chun Baptistpa Mitheng Johan in thu anaseijin ahi: "Hiche jeh chun lungheitoh kilomin gadoh-un; chule nalah uva, Abraham kapu luiju aumnai titahih-un; ijeh-inem itile kaseipeh nahiuve,

Pathen'in hiche songho-a kona hi Abraham son asodoh sah thei ahi (St. Luke 3:8). Phatkhat kom leh eihon jong phat masa lai ja lhagao thudol thilto inaneiju ho ina kisonpi jiuvin, apha tinna lung kisahna hi ina haimil jiuvin, tule tua Christa deilam ihilounao ho ina haimil jiuvin ahi.

Hiche akon chun, I lhagao ihinkhou lampi tamtaha inalhasam jiuvin ahi; eiho a dia Pathen thiltup suh pilhin ahiji pon ahi; Pathen in kipaman eisan sah nom tamtah inasang jipouvin ahi; chule vannoi ja Pakai Jesu Christa inasei phong diu bangin inasei phong jipouvin ahi.

2. Lung kisahna dih: "Alui pailhah" Christa hinkhoa kikhelna

Guh thima thusei, vetsetna, lhasetna, phun chehna, midang seisetna, lunthim thenlouna, thumatlouna, lungthim dihlo putna, ngaidamtheilouna, ama a dingjeng gelna, kituhlutlouna, louchalna, hoihapna, ahiloule mi joulhepna? "Nahinkho lui" jong hithei hicheva umlou jong hithei ipiham ti nangin nakihet ahi.

Thulhuhna lanlang lunggil tahin lung kisah in, chule Christa deidan hilou hinkho ho abon chan dalha din kigong inlang chule Pakai Jesu Christa deidan hinkho mangdin kigellhan, Mitheng Poul in asutbang in: Hiche jeh chun khaije, muthim nato h pailhau hitin khovah vonin kivonuhite. Chutichun nanghon masang lai ja chonna dol lama chun, doha lheplhah, gitlou lung gula haset cheh cheh mi lui chu pailhauvin; Chule chutichun nalhgagao lungthimun kithah semun (Romans 13:12, 14; Ephesians 4:22, 24).

Christa jala ka ngailut chateho, sochatna hi niseh a chaljing ahi tihi haimil poute, chule ijona chan un 'eihon kicha le kithing thingin huhhing-a na-umnao chu tongdoh-un.' (Phil 2:12)

Manipur a isopitehou Hinnale lungmonna ahungum kit theina din taokop jing ute.

Ikimchunga thunei Pathen akon lungmonna le khotona chun atonsot in hin umpijing taohen

Ahoubung theng natonga,

Christa a Napa u,



Athanasius Yohan I Metropolitan

Date : 18 August 2023

Place : Holy Synod

P.S: Please make sure this is translated into all regional languages and read in all parishes for the encouragement of the faithful.